

Superiori Aestate , cùm Basileam pro- *Historia*  
fectus essem , ibique mihi à viris doctis o- *de admi-*  
nnia humanitatis officia exhiberentur , à *rando ca-*  
pietate & doctrinâ Clarissimo viro D N. *pitis affe-*  
*ctu.*

D. IACOBO ZVINGER O Medico  
longè celeberrimo , ad ciuem quendam Ba-  
siliensem , triginta circiter annorum ætatis  
deductus fui. Laborat ille affectu planè ab-  
struso , quem paucis , & vti ipsum tum tem-  
poris , propter meam festinationem , annota-  
re potui , híc adscribere non grauabor. Ela-  
psos ante annos sex vir iste dolore grauatio  
capitis correptus fuit , & per menses aliquot  
continuò laborauit. Adhibitis remediis tan-  
dem ex parte remisit dolor capitis , sed crura ita  
resoluta fuere , vt in hunc usque diem , ne di-  
gitum quidem pedum , multo minus crus mo-  
uere possit. Quod si aliquis ex adstantibus ea  
subleuare , aut vi quadam extendere ( sunt au-  
tem retracta) tentat , ita tremunt , & agitantur ,  
vt protinus ea reponere necesse sit. Non diu  
post resolutos , & quidem diuersis temporibus  
superuenerunt , ino etiamnunc superueniunt  
vlera in capite , quæ non solum cutem &  
membranam carnosam , verum etiam cranium  
ipsum erodunt. Sed quod admiratione non  
vacat , verisimile est materiam illam acrem ,  
ac corrosiuain , primum intrinsecè colligi ,  
cariéque istâ antequam exterius appareat ,  
tabulam vitream erodi. Si enim vlcus ali-  
quod in capite oriri debet , ante omnia do-  
lorem fixum illa in parte capitidis intrinse-  
cè persentit , etiam si in cute nihil quicquam

R. iij

forsan  
louis q. 9  
inunctio 8.